

Iktibar kejatuhan kota Baghdad kepada tentera Mongol



Bersama
Prof Dr Taufiq
Yap Yun Hin

Bangsa Mongol adalah kumpulan nomad berasal dari Asia Tengah dan utara. Mereka hidup secara berpindah-randah dan bergantung kepada kuda sebagai pengangkutan utama.

Orang Mongol hidup secara berpuak-puak serta berpegang kepada amalan 'polytheisme animisme' sebagai pegangan hidup mereka.

Mengikut catatan sejarah, bangsa Mongol kebiasaannya akan berperang sesama mereka

yang berlainan puak.

Pembinaan Tembok Besar China oleh Maharaja pertama China iaitu Shi Huang (247-221 SM) untuk menghalang kemaraan Mongol daripada menawan wilayah mereka.

Bangsa Mongol juga membuat beberapa pakatan dengan suku kaum lain di Asia Tengah seperti Tartar dan Turki.

Sejarah Mongol dan dunia berubah dengan ketara ketika pemerintahan Genghiz Khan. Beliau mengetuai orang Mongol dari 1206-1227.

Ketika pemerintahannya, beliau berjaya menyatukan suku puak Mongol dengan beberapa suku Turki dan membentuk kumpulan yang lebih besar sehingga dapat menakluki wilayah dalam

melalui pasukan tentera berkuda Mongol.

Genghiz Khan berjaya menakluki sebahagian besar utara China pada 1210. Beliau mengalahkan Dinasti Jin serta menakluk Beijing.

Beliau juga berjaya menakluki sebahagian besar suku Turki di Asia Tengah. Menjelang 1220-an, beliau memasuki Russia dan Eropah Timur.

Bagaimanapun, Genghiz Khan tidak menawan wilayah atau empayar Islam ketika hayatnya dan beliau mangkat pada 1227.

Empayar Genghiz Khan diteruskan oleh anaknya, Ogadai Khan yang mengembangkan empayar dengan menakluki wilayah dalam

pemerintahan China.

Kemaraan tentera Mongol ke dunia Islam berlaku ketika pemerintahan Mongke Khan. Beliau mewakilkan saudaranya, Hulagu Khan untuk menawan Parsi, Syria dan Mesir serta empayar Khalifah Abbasiyah.

Disebabkan orang Islam berpecah serta berada dalam keadaan lemah, kerajaan Islam ketika itu tidak mampu menghalang serta melawan kemaraan tentera Mongol.

Penaklukan Hulagu Khan diteruskan dengan menyerang dan menawan kota Baghdad yang ketika itu menjadi ibu kota empayar Islam dan pusat pemerintahan Khalifah Abbasiyah, Khalifah

al-Mansur.

Di samping menjadi kota pemerintahan kerajaan Abbasiyah, Baghdad juga menjadi tempat tumpuan ramai saintis, pemikir, ahli matematik dan ahli bahasa dunia berkumpul.

Baghdad ketika itu menjadi kota ilmu terpenting dalam dunia Islam. Kegemilangan Baghdad mulai lenyap pada 1920-an apabila khalifah yang ada hanya berminat dengan kesenangan dunia.

Pada ketika itu juga, tentera Abbasiyah dikatakan sudah tidak wujud dan hanya bertindak sebagai pengawal peribadi khalifah semata-mata.

Tentera Mongol tiba di Baghdad pada 1258 dan dianggarkan 150,000

tentera mengepung Kota Baghdad selama dua minggu dari pertengahan Januari hingga 10 Februari.

Kota Baghdad yang menjadi pusat pemerintahan dan peradaban serta kebangkitan ilmu pengetahuan dalam Islam diserang tentera Mongol dengan dahsyat.

Segala kemegahan dan keindahan Kota Baghdad kini hanya tinggal kenangan. Semuanya dihancurkan tentera Mongol.

- Ikuti bahagian kedua minggu hadapan.

Penulis ialah Presiden Persatuan Cina Muslim Malaysia (MACMA) dan profesor di Universiti Putra Malaysia (UPM)